

20 —  $\frac{2}{281}$

ОЙ  
ОТЕБН

III

30

СЛУЖБА

СВЯТИТЕЛЮ

ИННОКЕНТИЮ

ЕПИСКОПУ,

ВРЪУТСКОМУ ЧУДОТВОРЦУ.

МОСКВА.

Въ Синодальной Типографіи.

1849.



20  $\frac{2}{281}$

851

**СЛУЖБА**

**СВЯТИТЕЛЮ**

**ИННОКЕНТИЮ**

**ЕПИСКОПУ,**

**ИРКУТСКОМУ ЧУДОТВОРЦУ.**

**МОСКВА.**

**Въ Синодальной Типографіи.**

**1849.**





2006259643

РОССИЙСКАЯ  
ГОСУДАРСТВЕННАЯ  
БИБЛИОТЕКА

2455-08



## СЛУЖБА

Святителю Иннокентію Епископу,  
Иркутскому Чудотворцу.

На велицѣй вечерни.

На Господи возвахъ, Стихиры на 8,  
гласъ 6.

**В**осхвалимъ мужа славна въ бы-  
тіи, и отца нашего Святителя  
Иннокентія: многу бо славу созда  
Господь въ неистлѣніи святаго  
тѣлесе его, положивъ е яко свѣ-  
тильникъ на свѣщницѣ, и озаривъ  
лучами чудесъ его Иркутскую па-  
ству: яко да не отъидеть отъ нея  
память праведника, но поживеть  
имя его въ роды родовъ, да пре-  
мудрость его повѣдаютъ языцы,  
зря святую Церковь, въ пѣсняхъ  
и пѣніихъ духовныхъ выну повѣ-  
дающую хвалу его.

Дважды.



## Служба

**В**осхвалимъ новаго Апостола Христова, грядущаго со Евангеліємъ въ землю языковъ чуждихъ, облагоухавшаго вѣрою послѣдніе концы Россіи, процвѣтшаго яко кринъ на востокъ царства Сибирскаго; на языки, не напоенные струями благодати, одождившаго глаголы премудрости небесныя. *Дважды.*

**Е**гда темное Хиновъ царство, омраченное гордостію древняго змѣя, не можаше вмѣстити свѣта царствія Іисуса Христа, и не хотяше пріяти благославнаго Іерарха Россійскаго : тогда во языцѣхъ, движимыхъ скиптромъ **ИМПЕРАТОРА** православнаго, начать расти и множитися святая вѣра Христіанская, устами Святителя великаго Иннокентія, молящагося о душахъ нашихъ. *Дважды.*

**М**уру благовонное имя твое



отче, изліянное на паству, озаренную лучами добротъ твоихъ, и на люди благоговѣнно чтущія святую память твою, и на вся грады и страны Христіанскія, прославляющія дивнаго во Святыхъ своихъ Бога Израилева, егоже моли спастися душамъ нашимъ.

**Н**а тебѣ отче, утвердися истина Господня, предреченная устами Пророка древле возгласившаго: праведникъ яко финиксъ процвѣтетъ, и яко кедръ, иже въ Ливанѣ, умножится; и будетъ яко древо, насажденное при исходящихъ водахъ. Тѣмже молимъ тя, предивный Іерарше, осѣняй молитвами твоими градъ сей, и всѣхъ Христіанъ православныхъ.

**Слава, гласъ 8:**

**О**тче Святителю Иннокентіе, по имени бысть тако и житіе твое,



## Служба

яко убѣленъ былъ еси невинностію во вся дни житія твоего; пребывая же на земли, яко странникъ и пришлецъ, приусвоилъ еси Святую Троицу, и уготовалъ еси въ непорочномъ сердцѣ твоёмъ обитель Отцу и Сыну и Святому Духу: сего ради и во гробѣ процвѣте нетлѣніемъ святое тѣло твое, и ни единая отъ богоспасаемыхъ костей твоихъ сокрушися. Тѣмже лобызающе съ вѣрою, прославленные обиліемъ изцѣленій, честныя мощи твоя, молимъ тя угодниче Божій, пастырю ревностный, Іерарховъ украшеніе, сотвори ны угодны быти Святѣй Троицѣ, юже на земли прославилъ еси преподобіемъ и правдою, и ейже предстоиши нынѣ, присно ходатайствуя о мирѣ паствы твоея, и о спасеніи душъ нашихъ.



И нынѣ, Богородиченъ. Входъ.

Прокименъ дне.

Чтенія 3: Пророчества Исаіина чтеніе.

**Р**адуйся пустыня жаждущая, да гл.  
35.  
веселится пустыня, и да цвѣтетъ  
яко кринъ. И процвѣтетъ и возве-  
селится пустыня Иорданова, и сла-  
ва Ливанова дадѣся ей, и честь  
Кармилова: и узрятъ людіе мои  
славу Господню, и высоту Божію.  
Укрѣпитеся руцѣ ослабленныя, и  
колѣна разслабленная; утѣшится  
малодушніи умомъ, укрѣпитеся,  
не бойтесь. Се Богъ нашъ судъ  
воздастъ, и воздастъ; той пріидетъ,  
и спасетъ насъ. Тогда отверзутся  
очи слѣпыхъ, и уши глухихъ  
услышать. Тогда скочитъ хромый  
яко елень, и ясенъ будетъ языкъ  
гугнивыхъ: яко проторжеся вода  
въ пустыни, и дебрь въ земли



## Служба

жаждущей: и безводная будетъ во  
езера, и на жаждущей земли источ-  
никъ водный будетъ: тамо будетъ  
веселіе птицамъ и селитва трости,  
и лузи. И тамо будетъ путь чистъ,  
и путь святъ наречется, и не преи-  
детъ тамо нечистый, ниже будетъ  
тамо путь нечистъ: разсѣянніи же  
пойдутъ по нему, и не заблудятъ.  
И не будетъ тамо льва, ни отъ  
звѣрей злыхъ не взыдетъ на нь,  
ниже обрящется тамо, но пойдутъ  
по нему избавленніи: и собранніи  
Господемъ обратятся, и прїидутъ  
въ Сіонъ съ радостію, и радость  
вѣчная надъ главою ихъ. Надъ  
главою бо ихъ хвала и веселіе, и  
радость прїиметь я: отбѣже бо-  
лѣзнь, печаль и воздыханіе.

Премудрости Соломони чтеніе.

Гл. 3  
ст. 1  
и 4. **П**раведныхъ души въ руцѣ Бо-  
жіей, и не прикоснется ихъ мука.



Непщевани быша во очію безумныхъ умерети, и вмѣнися озлобленіе исходъ ихъ, и еже отъ насъ шествіе сокрушеніе: они же суть въ мирѣ. Ибо предъ лицемъ чловѣческимъ еще и муку пріимуть, упованіе ихъ безсмертія исполнено. И вмалѣ наказани бывше, великими благодѣтельствовани будутъ: яко Богъ искуси ихъ, и обрѣте ихъ достойны себѣ. Яко злато въ горнилѣ искуси ихъ, и яко всеплодіе жертвенное пріять я. И во время посѣщенія ихъ возсіяють, и яко искры по стеблію потекутъ: судятъ языкомъ, и обладаютъ людьми, и воцарится въ нихъ Господь во вѣки. Надѣющіися на нѣ уразумѣють истину, и вѣрніи въ любви пребудутъ ему: яко благодать и милость въ преподобныхъ его, и посѣщеніе во избранныхъ его.



## Служба

Премудрости Соломона чтение.

Гл. 4  
ст. 3  
и 18.

**П**раведникъ аще постигнетъ скон-  
чатися, въ покон будетъ. Старость бо  
честна не многолѣтна, ниже въ числѣ  
лѣтъ исчитается: сѣдина же есть  
мудрость челоуѣкомъ, и возрастъ  
старости житіе нескверно. Благо-  
угоденъ Богови бывъ, возлюбленъ  
бысть, и живый посредѣ грѣш-  
ныхъ преставленъ бысть: восхи-  
щенъ бысть, да не злоба измѣнитъ  
разумъ его, или лестъ прельститъ  
душу его. Раченіе бо злобы по-  
мрачаетъ добрая, и пареніе похоти  
премѣняетъ умъ незлобивъ. Скон-  
чався вмаля исполни лѣта долга,  
угодна бо бѣ Господеву душа его:  
сего ради потщася отъ среды лу-  
кавствія. Людіе же видѣвше, и не  
разумѣвше, ниже положше въ по-  
мышленіи таковое: яко благодать  
и милость въ преподобныхъ его,



и постыщеніе во избранныхъ его .

На антипостихи, гласъ 5:

Любызайте , Сибирстїи народи ,  
слѣды красныхъ ногъ Іерарха Ин-  
нокентїа , благовѣствовавшаго въ  
предѣлахъ вашихъ миръ и утвер-  
жденіе, положившаго во единомъ  
изъ градовъ вашихъ начало новаго  
священноначалїа, и во единой изъ  
святыхъ обителей вашихъ процвѣ-  
тающаго нетлѣніемъ, якоже про-  
цвѣтастъ вертоградъ напоенный ,  
ему же не оскудѣ вода благодатная,  
безъ цѣны напаяющая жаждущихъ  
духовнаго и тѣлеснаго исцѣленїа.

Ты еси славо града Иркутска  
Иннокентіе, ты еси украшеніе Си-  
бирскихъ странъ, похвало Церкви  
православныя : величаніе Россїи  
малыя , въ ней же процвѣлъ еси  
кринъ благоуханный , въ ней же  
возжеглся еси свѣтильникъ пре-



## Служба

свѣтлый , въ нейже родился еси сынъ царствія Христова, изъ нея же призывался еси Апостолъ , со Евангеліемъ отъ престольныхъ градовъ протекшій до предѣловъ Монгольскихъ , въ животъ и по смерти поучевающій омраченныя дзыки.

Въ земномъ училищи небесныя премудрости, былъ еси наставникъ, горняя а не земная мудрствовати научавшій, и въ юныхъ разумахъ напечатлѣвая древнія истины Евангельскія, явился еси самъ запечатлѣнъ Духомъ Святымъ богопосецъ, предъ Богомъ ходивый, по Бозѣ ревновавый, Богу представый, яко молитвенникъ о чтущихъ святую память твою Иннокентіе.

Слава, гласъ 4:

На тебѣ Святителю почи духъ премудрости и разума, имже уму-



дрияся еси во спасеніе языковъ:  
духъ совѣта и крѣпости, имже  
дивнымъ совѣтамъ прозорливаго  
ИМПЕРАТОРА, возмоглъ еси со-  
отвѣщавати: духъ вѣдѣнія и благо-  
честія, имже благочестно вѣдѣти  
Святую Троицу научилъ еси, ищущихъ  
духа и сердца новаго.

II *шлѣвъ*, Богородицѣ: Призри на  
моленія:

*На стиховнѣ стихиры, гласъ 7:*

II *Поминаніе* братіе, наставника  
дивнаго, иже языкомъ благоглас-  
нымъ, и житіемъ благославнымъ  
глаголаше намъ слово спасенія:  
взирающе убо на блаженное скон-  
чаніе жителства его, подражаимъ  
вѣрѣ Іерарха, тѣльное сіе облек-  
шей въ нетлѣніе, и мертвенное  
сіе одѣявшей въ безсмертіе, пред-  
написующей образъ общаго вос-  
кресенія.



## Служба

Проведникъ, яко чинникъ процвѣтаетъ,  
и яко цвѣтъ, иже въ Азавѣ, умножится.

Виноградъ, принесенный отъ  
древняго града Кіева, на земли  
Сибирстѣй издаде цвѣтъ свой, про-  
стре розги своя за море, и сотвори  
плоды во изцѣленіе языковъ: въ  
немже обрѣтающе духовное весе-  
ліе вѣрніи, не изыдемъ изъ подъ  
стѣни его благодатныя, дондеже  
пріимемъ изцѣленіе недуговъ ду-  
шевныхъ, вкупѣ же и тѣлесныхъ.

Глаголюще Господь вся кости свои, и  
не сломаются, и не сломаются.

Пріидите языцы и видите, яко  
дѣло содѣла Господь во дни ваша,  
ему же не возмогли бысте вѣровати,  
аще бы кто повѣдалъ вамъ сице-  
вое: но зрите и чудитесь, како  
хранитъ Господь вся кости из-  
бранныхъ своихъ, и ни единая отъ  
нихъ сокрушается. Тѣмже убо



не будите невѣрни, но вѣрни.

Слава, гласъ 8:

Отче Святителю Иннокентіе, явилъ еси въ преподобіи твоємъ славу царствія Христова, въ подвижѣхъ добрыхъ возглагодалъ еси силу благодати его, въ чудесахъ многихъ возвеличилъ еси побѣду, побѣждающую міръ, вѣру святую, и самъ яко священникъ одлеклся еси во спасеніе: тѣмже и святыня Господня процвѣте на тебѣ, яко помазанномъ отъ Духа Святаго, егоже Благій да не отъиметь отъ насъ согрѣшившихъ, но да обновитъ насъ молитвами твоими, угодниче Божій.

И нѣтъ, Богородице: Безневѣстная дѣво:

Иа Богородицеи каѣвоу, тронѣи Свѣтлаи дѣвѣи, Богородице дѣво:



## Служба

Тропарь Святителя, гласъ 5:

Свѣтильниче Церкви пресвѣт-  
лый, озаривый лучами добротъ  
твоихъ страну сію, и исцѣленими  
многими притекающихъ къ ракъ  
твоей съ вѣрою Бога прославивый,  
молимъ тя Святителю отче Інно-  
кентіе, ограждай молитвами тво-  
ими градъ сей отъ всѣхъ бѣдъ и  
печали.

На Богъ Господь: тропарь Святыхъ  
двѣдды. Слава, и нынѣ, Богородичень.

По 1-мъ стихословіи съдасныи,

гласъ 5:

Не далъ еси сна очима твоима  
человѣче Божій, ниже вѣждома  
твоима дреманія, дондеже обрѣлъ  
еси мѣсто Господеви среди разру-  
шающагося владычества древняго  
омрачителя языковъ: основалъ  
еси селеніе Богу Іаковлю ни во  
Іудеи, ни во Іерусалимѣхъ, но



въ предѣлахъ Монгольскихъ. Тѣмъ же явился еси и Давидъ, положившій во страхъ невѣрія твердое основаніе вѣры, и Соломонъ, умудрившійся въ созиданіи спасенія стада твоего.

Слава, и нынѣ:

Юга изъ тебе воплотившагося познахомъ, Богородице Дѣво, того моли о спасеніи града нашего, и всѣхъ запечатлѣнныхъ именемъ Сына твоего .

По 2-мъ стихословіи съдамы, гласъ 4:

Яко мѣро на главѣ, сходящее на браду, браду Аарону, сходящее на ометы одежды сго, и яко роса Аермонская, сходящая на горы Сіонскія: тако благодать Духа Святаго, благоухая выну на прославленномъ нетлѣніемъ тѣлеси твоёмъ, притекающихъ къ ракъ твоей съ вѣрою напояетъ радостію.



## Служба

о Господѣ , прославляющемъ тя .

Слава, и нынѣ:

Со Святителемъ, Пречистая, и  
всѣми Святыми, во Святыхъ еди-  
наго почивающаго умоли, всѣхъ  
освятити насъ , славословящихъ  
тя во вся вѣки.

Но похвалѣмъ сѣдаленъ , гласъ 5:

Господь, не лишающій благихъ  
ходящихъ незлобіемъ , благодать  
и славу даде ти, Святителю Инно-  
кентіе, юже вселилъ еси въ земли  
нашей: и на небеси убо сподоби  
ны твоими молитвами вѣчной славы  
съ тобою, и со всѣми Святими,  
Богу благоугодившими.

Слава, и нынѣ:

Мокровъ буди ми и предста-  
тельство, и заступленіе, и похвала  
Дѣво: яко ты еси безпомощныхъ  
сило неоторимая, и надеждо не-  
надѣемыхъ.



Досель 1-й антифонъ 4 го гласа.

Прокисень, гласъ 1:

Честна предъ Господемъ смерть  
преподобныхъ сго.

Синхъ: Что воздамъ Господеву о  
всѣхъ, яже воздаде ми?

Таже: Всякое дыханіе:

Евангеліе отъ Матфея, зачало 11.

По Евангеліи стихира, гласъ 6:

Да исполнятся уста наша хва-  
ленія твоего, Господи, яко да  
воспоимъ славу твоего угодника,  
егоже прославили еси нетлѣніемъ  
и чудотвореніями, въ бѣдахъ су-  
щимъ показалъ еси помощника,  
въ недугахъ скорого цѣлителя, въ  
скорбехъ утѣшителя, чтущихъ  
святую память его тселаго мо-  
литвенника.

Антифонъ, гласъ 8.

Пѣнь 1. Пркосъ

страшшему въ мори мучи-



## Служба

тельство Фараоне, и Израиля  
сушю наставляшему, поемъ Хри-  
сту: яко прославися во вѣки.

I     ерарше непорочне, призри съ  
небесе и виждь, и посѣти оѣне-  
ніемъ твоимъ виноградъ сей, сго-  
же насади десница твоя во странѣ  
языковъ: да прославимъ благо-  
говѣйно чудеса твоя, аще и не  
возможно есть исчислити я.

II     а пути иногда вразумляше  
Валаама ослица, да не идетъ про-  
клинати Израиля, сгоже и благо-  
слови пришедый отъ Мессопотаміи:  
сице утомленными конми вразу-  
мленъ баше преогорченный пут-  
никъ, да воздастъ Святителю  
Инокентію славу, сюже обѣщася.

II     огъ болѣзнію, и разслабле-  
ніемъ всѣхъ членовъ недугую-  
щему, явился еси скорый цѣли-  
тель, отче нашъ Инокентіе: не

презри убо и нынѣ съ вѣрою  
притекающихъ къ живоноснымъ и  
присноцѣлебнымъ мощамъ твоимъ.

Богородиченъ:

Отцу собезначальнаго Сына О  
плотию родила еси, пренепорочная  
Дѣво, егоже моли со Святителемъ,  
да сотворитъ ны сынами своего  
царствія, и наследниками обѣто-  
ванія вѣчнаго .

Патерисъ по уставу .

Пѣснь 3. Прѣмось:

Утверди нашъ умъ и сердца,  
небеса словомъ утверждаей, во  
еже пѣти и славити тя, во спасе-  
ніе душъ нашихъ.

Душину вторую показалъ еси К  
словесный Пастырю, егда молит-  
вами твоими сохранилъ еси среди  
пламени невредиму святую Цер-  
ковъ, въ нейже почиваше не у  
прославленное на земли, но



## Служба

съ небеси обиліемъ чудотворснѣй  
явственнѣо свидѣтельствѣванное свя-  
то быти неплѣнноє тѣло твоє.

Единѣи вѣрѣ доступенъ явился  
еси, непорочно: тѣмже съ премѣ-  
неніемъ естества уставовъ, мразъ  
и нней сокрыша чистоту твою  
отъ очесъ нечистыхъ, дерзнув-  
шихъ въ невѣріи видѣти тя, имже  
не далъ еси узрѣти славы твоея,  
поучавая ны чистымъ сердцемъ  
тебе славити.

На помощь скоро притеклъ  
еси къ старцу, очима тяжко видя-  
щему, и прикоснувся болѣзненной  
главѣ его, явилъ еси на немъ  
дѣла Божія: просвѣти убо и наша  
душевные очи молитвами твоими,  
Священноначальниче. Богородице:

Твердое и непреложное упова-  
ніе въмы тя, Богородице, егоже  
держимся, и уповаѣ молимся: со-

храни градъ сей, и вся грады и страны Христіанскія отъ всѣхъ бѣдъ, находящихся, челоуѣкомъ согрѣшающимъ, по абіе молитвами твоими пріемлющимъ согрѣшеній оставленіе.

Съданыи по 5 й пѣсни, гласъ 5:

Заковъ намъ подобаше Архіерей, преподобенъ, незлобивъ, кротокъ, отлученъ отъ грѣшникъ, иже предъ вѣчнымъ Архіереемъ Іисусъ Христомъ молится выну о спасеніи стада своего: много бо можетъ молитва праведнаго, поспѣшествуема во благое.

Слава, гласъ тойже:

Кроторжеса вода въ пустыни, источникъ исцѣленій истекаетъ отъ неистѣнныхъ мощей Святителя Иннокентія: радость вѣчная надъ главою его, еяже да сподобимся и мы молитвами его.



## Служба

въ невечернѣмъ дни воскресенія .

*III мѣсяцъ, Божородицѣнъ:*

О тебѣ Отроковице, возгласи Пророкъ, глаголя : се врата востока , и будутъ затворена , и никтоже пройдетъ сквозѣ я ; но Господь Богъ единъ пройдетъ , и будутъ врата затворена.

*III мѣсяцъ 4. Прѣдѣла:*

Услышахъ Господи, смотренія твоего таинство , разумѣхъ дѣла твоя, и прославихъ твое Божество.

I Иисусъ въ домѣ Петровомъ прикоснулся руцѣ тещи его , огнемъ жегомой , и абіе остави ю огонь : сія же знаменія послѣдоваша тебѣ вѣрующему Чудотворцу ; укротилъ бо еси огневницу единымъ прикосновеніемъ боку лежащаго на одрѣ смерти , но призвавшаго тя во упованіи жизни.

II Иисцѣлевахуся иногда вѣрующіе

отъ нанесенія главоотяжей и убрусцевъ Павловыхъ: не просты силы творяше Богъ и твоима рукама, новый Апостоле; персть бо отъ твоея священныя раки, и елей отъ лампады отверзають слѣпотствующей очи, и даруютъ исцѣленіе.

Молитва вѣры спасе лють болящаго, иже и исповѣда, яко врачеве не воскресятъ: упованіе же на тя, благосердый отче, николиже посрамляетъ съ вѣрою призывающихъ тя во благовременную помощь.

Богородицеъ:

О троковица пенскусомужная О раждаетъ провидѣннаго духомъ отъ Аввакума, и къ рожденному молится о душахъ нашихъ, мудръ пасомыхъ Пастыремъ, и по исходѣ своемъ выну съ нами въ неистлѣніи



## Служба

святаго тѣлесе своего пребыва-  
ющимъ.

Мѣсяцъ 5. Промель:

Отъ ночи невѣдѣнія, Боговѣ-  
дѣнія день, во свѣтъ лица твоего  
Христе, да возсіяетъ ко утру  
хваленіе твое въ сердцахъ нашихъ.

Д Любовію погрузився во стру-  
яхъ упованія на угодника Божія,  
покрытый отъ главы до ногъ  
струпами, и въ плоти своей не  
обрѣтающій исцѣленія: и абіе очи-  
стися отъ нечистоты болѣзненной,  
якоже Нееманъ отъ проказы по-  
груженіемъ во Іорданъ, по гла-  
голу Елиссееву.

И Ищущимъ тебе обрѣтаешися  
готовый помощникъ, Святителю  
Иннокентіе, и скоро подаеши не-  
дуговъ исцѣленіе, якоже иногда  
женѣ, болѣзнующей десною рукою,  
явился еси въ сонномъ видѣніи,

и сотворилъ еси ю здраву за единое призваніе святаго твоего имени.

**Т**вердое благодати позпаніе у-Т  
твержда въ вѣрующихъ, научилъ  
еси насъ вѣдѣти тя, яко настав-  
ника милостиваго, благоутробія  
сокровище, правовѣрія учителя,  
архіереевъ похвалу, безпомощныхъ  
заступника, присно молящагося о  
спасеніи чадъ твоихъ, съ вѣрою  
къ тебѣ притекающихъ.

**Богородичень:**

**В**ереи адовы сломишася, и за-В  
клепы вѣчныя сокрушишася рожд-  
шимся отъ тебе, пречистая мати:  
тѣмже молимъ тя, избави ны отъ  
вѣчныя смерти ходатайствомъ тво-  
имъ, и всели ны во свѣтъ сына  
твоего, свѣтъ искупленія мірови  
возсіявшаго.

**Пѣснь 6. Прчосъ:**

**Р**изу мнѣ подаждь свѣтлу,



## Служба

одѣйся свѣтомъ яко ризою, много-  
милостиве Христе Боже нашъ.

**Е** **В**лицы притекаху къ тебѣ, по-  
мощниче теплый, не отхождаху  
посрамлени, немощни исцѣлсва-  
хуся, въ болѣзни дѣторожденія  
сущія отъ многоцѣлебной благо-  
стыни твоей пріимаху скорое ис-  
дуга разрѣшеніе, слѣпи прози-  
раху: поспѣши убо и насъ, щедрый  
отче, твоею помощію.

**Н** **И**сходи не вѣренъ, но вѣренъ,  
реклъ еси отче, вторницею яви-  
выйся отъ преломленія ноги люте  
страждущему, и ударивъ жезломъ  
въ мѣсто, идѣже стоястъ позѣ  
твой, язвою на древѣ уврачевалъ  
еси душевную язву омраченнаго  
невѣріемъ, абіе бо исповѣда быти  
тебе благодатнаго врача, воздвиг-  
шаго сего отъ одра болѣзненнаго.

**И** **И**спорочныма твоима рукама

преподалъ еси, архіерею Божій, безсмертнуую пищу страждущей, о чудо! на небеси приобщаяся истѣ невечерняго свѣта, вѣщающее седмидесяти лѣтъ по твоємъ успеніи, и на земли являешься Священнодѣйствитель Божественныхъ таинъ, увѣряя паству твою въ неразлучномъ пребываніи выну, съ притекающими къ твоей помощи.

**И**стинны учителю, настави ны **И** во истиннѣй вѣрѣ, моля о спасеніи нашемъ съ пречистою Дѣвою Богородицею рожденнаго отъ нея на спасеніе всего міра.

**Кондакъ гласъ 4:**

**И**спорочности соименнаго пастыря, проповѣдника вѣры въ языцѣхъ монгольскихъ, славу и украшеніе Иркутскія паствы, любовію восхвалимъ вси вѣрніи: той бо



## Служба

есть хранитель страны сея, и мо-  
литвенникъ о душахъ нашихъ.

Икосъ:

Ангельскимъ житіемъ возвы-  
сися еси, отче, до лицезрѣніа  
красоты несозданной, еюже на-  
слаждайся нынѣ на небеси, моли-  
шися о спасеніи нашемъ, насъ же  
на земли научаси зывати тебѣ  
таковая: радуйся крине, въ благо-  
растворенномъ югѣ процвѣтшій,  
радуйся первенче духовнаго сыно-  
положенія, отъ малыя Россіи Богу  
посвященный, радуйся славо и  
величаніе града Кіева, радуйся  
въ земномъ училищи небесныя  
мудрости наставниче, радуйся му-  
дрый исполнителю велѣній царя  
земнаго, радуйся мужественный  
подвижниче Царя небеснаго, ра-  
дуйся проповѣдниче вѣры въ язы-  
цѣхъ монгольскихъ, радуйся на-

чалоположителю добраго священноначалія во странахъ сибирскихъ, радуйся украшеніе Иркутскія паствы, радуйся благоуханіе пустыни, радуйся общаго воскресенія въ нетлѣніи твоємъ увѣрителю, радуйся неизчерпаемыхъ чудесъ источниче, радуйся хранителю страны тобою избранныя, радуйся Иннокентіе молитвенниче о душахъ нашихъ.

Пѣснь 7. Прѣмось:

**Въ** началѣ землю основавый, и небеса словомъ утвердивый, благословенъ еси во вѣки, Господи Боже отецъ нашихъ.

**Крѣпость** и исцѣленіе пріимаху **К** отъ тебе, отче, немощствующиіи плотію: скорбниіи же духомъ и удрученниіи печальми житскіими обрѣтаху душевное утѣшеніе въ умиленномъ призываніи святаго и прославленнаго имени твоего,



## Служба

прославляющаго дивнаго во святыхъ своихъ Бога Израилева.

О **Отче**, непорочности сомнение ,  
такъ прославися свѣтъ твой предъ  
человѣки , яко видяще добрая  
дѣла твоя и чудотворенія многая,  
прославляютъ чудодѣйствующаго  
тобою, дивнаго во святыхъ сво-  
ихъ Бога Израилева. **Троицень :**

Д **Душевные** наша болѣзни ис-  
цѣли, Боже, молитвами прослав-  
леннаго отъ тебе угодника, уско-  
ряющаго на помощь умиленною  
душею требующимъ дѣйствительнаго  
его предъ тобою, Троица Святая,  
заступленія. **Богородичень :**

У **Умъ** нашъ плѣни въ послуша-  
ніе вѣры, духъ и душу всесовер-  
шенны соблюди, и тѣло въ при-  
шествіе Господа нашего Іисуса  
Христа непорочно сохрани, моли-  
твами твоими , Богородительнице .

## Пѣснь 8. Црмось:

Безначальнаго Царя славы,  
егоже трепещутъ небесныя силы,  
пойте священницы, людіе превоз-  
носите во вся вѣки.

Широкій путь вводяй въ пагу-Ш  
бу презрѣлъ еси, преподобне, и  
тѣсными вратами вшелъ еси въ  
небесное царствіе, отъопуду же  
призирая выну на призывающихъ  
тя съ вѣрою, укрѣпи убо и пась  
нонести благое и легкое иго кре-  
ста, да внидемъ въ покой Бога  
благословеннаго.

Ангелоподобнымъ житіемъ на  
земли, обрѣлъ еси благодать исцѣ-  
деній, и явился еси воинишу  
Ангель хранитель паствы твоея,  
бодрственію утверждая ю въ вѣрѣ  
многообразными твоими чудотво-  
реніями, и соблюдая въ чистомъ  
исповѣданіи отцееъ Бога благосло-  
веннаго.



## Служба

**Х**ристово благоуханіе явился еси, отче, въ спасаемыхъ тобою отъ недуговъ душевныхъ же и тѣлесныхъ: тѣмже обитатели града тобою избраннаго, прославляя святую память твою, благословляютъ прославившаго тя, отцевъ Бога благословеннаго. *Богородичень:*

**И** ѿѣсть наша брань къ плоти и крови, но къ началомъ, [и ко властямъ и къ міродержителемъ тьмы вѣка сего, къ духовомъ злобы поднебеснымъ: надъ ними же покажи ны, Владычице, побѣдители, яко да по образу непорочнаго пастыря возможемъ вся стрѣлы лукаваго разжennыя угасити.

*Шень 9. Ирмосъ:*

**П**роявленное на горѣ.

**А**постолъ языковъ бытъ еси, отче, якоже и Павелъ, тѣмже нынѣ восхищенъ еси на высоту

Божественнаго лицезрѣнія , идѣже  
молишися , да Богъ возраститъ ,  
еже ты мудрый дѣлателью насадилъ  
и наполни еси.

**Ш**лемъ спасенія воспріимъ , и **Ш**  
мечемъ духовнымъ препоясався ,  
изшелъ еси на дѣло твое, пастырю  
дивный , и соградилъ еси оплотъ  
благочестія во мракѣ язычества :  
молн убо преблагаго Бога , да  
укрѣпитъ , еже содѣла въ насъ  
рукою твоею.

**И**менемъ и житіемъ непорочне, **И**  
пріими хвалебныя пѣсни, любовію  
къ тебѣ возносимыя, осѣняя молит-  
вами твоими паству, осіянную лу-  
чами добротъ твоихъ , и ускоряя  
на помощь благодатнымъ заступ-  
леніемъ твоимъ во время благо-  
потребно.

Богородичень:

**Х**ерувимовъ честнѣйшая, и слав- **Х**  
пѣйшая безъсравненія Серафимовъ,



## Служба

не презри моленія рабъ твоихъ ,  
но покрый насъ честнымъ твоимъ  
покровомъ : спаси ИМПЕРАТОРА,  
и люди , благоговѣйно чтущія  
память непорочнаго пастыря , и  
молитвенника о градъ семъ , див-  
наго Иннокентія .

Свѣтилень, гласъ 1:

Слава тебѣ Богу , показавшему  
намъ свѣтъ спасенія въ житіи и  
словѣ твоего угодника : слава тебѣ  
Благодателю , возсіявшему просвѣ-  
щеніе истины въ поборникъ благо-  
честія и истины : слава тебѣ див-  
ному щедротодавцу , удивившему  
милости своя на ходившемъ во  
свѣтъ лица твоего Святителѣ и  
чудотворцѣ Иннокентіи .

Слава, и нынѣ, Богородичень:

Свѣтъ мірови возсіялъ есть въ  
рождествѣ твоємъ , пречистая Бого-  
родице : осіяй убо умъ палѣ

познаніемъ Сына твоего , сердце  
уязви любовію къ Божественнымъ  
заповѣдемъ , укрѣпляя ны молит-  
вами твоими въ вѣрѣ и благодѣ-  
ланіи.

На Хвалитѣхъ стихирѣ, гласъ 8:

Многое множество чудесъ тво-  
ихъ, Иннокентіе, проповѣдуетъ  
величество славы Бога нашего ,  
на небеси Силами разумными неус-  
молчно воспѣваемаго, на земли же  
въ душахъ и тѣлесѣхъ Святыхъ  
своихъ дивно прославляемаго: его-  
же моли препрославление Святи-  
телю , о спасеніи душъ нашихъ .

Единѣми усты, и единѣмъ серд-  
цемъ прославимъ людіе Бога чудо-  
дѣйствующаго , удивившаго щед-  
роты своя во дни наша : древнія  
милости, глаголанная ко отцемъ  
нашимъ въ чудесахъ Святыхъ сво-  
ихъ , возглаголавшаго и нынѣ въ



## Служба

нетлѣннїи непорочнаго пастыря ,  
чудотворца новаго , утвердившаго  
красныя ноги своя во странахъ  
Сибирскихъ, и украсившаго пусты-  
ню яко кринъ красный.

Не отцы наши возвѣстиша намъ,  
отче, славу твою, не старцы наши  
повѣдаша намъ чудеса твоя, чудо-  
творче , но сами видѣхомъ осѣня-  
ющую непорочное тѣло твое силу  
Божію, чудодѣйствующую тобою  
въ знаменїяхъ дивныхъ и многихъ:  
сродницы и знаемїи наши познаша  
благодатную помощь твою , еяже  
и мы дерзающе просимъ , и нео-  
скудно прїемлемъ.

Древле Богъ глаголавый от-  
цемъ во Пророцѣхъ, въ послѣдокъ  
днїй возглагола намъ въ Сынѣ :  
егоже благодатію и до днесь гла-  
голетъ намъ въ наставникахъ на-  
шихъ, въ животѣ своемъ поучава-

ющихъ насъ вѣрѣ и надеждѣ, по исходѣ же своемъ увѣряющихъ насъ въ любви совершеннѣй, ни-колиже отпадающей.

**Слава, гласъ тойже:**

**Р**адуйся отче Иннокентіе, не-порочности соименне, Церкви у-твержденіе, благодати познаніе, чудесъ неисчислимыхъ сокровище, Іерарховъ похвало, пастырѣй об-разъ, пасомыхъ помощниче, чуж-дихъ и дальнихъ молитвенниче, града Иркутска украшеніе, оби-тели твоя благолѣпіе, славо дер-жавы Россійскія: о нейже моли-ся, да угаснутъ расколовъ шата-нія, и да процвѣтетъ міръ во днехъ чадъ ея православныхъ.

**И нынѣ, гласъ тойже: Владычице пріими.**

**Славословіе великое.**

**По Славословіи, тропарь Святаго. Слава**



## Служба

и нынѣ, богородиченъ. На литургіи  
блаженна отъ канона Святаго, пѣснь  
3-я, и 6-я. Прокименъ, гласъ 1:

**Уста** моя возглаголють пре-  
мудрость, и поученіе сердца моего  
разумъ.

**Стихъ:** Услышите сія вси языцы,  
внушите вси живуціи по вселеннѣй.  
Апостоль къ Евреемъ, зачало 318.

Аллилуіа, гласъ 1:

**Восхвалятся** преподобніи во  
славѣ, и возрадуются на ложахъ  
своихъ.

**Стихъ:** Слава сія будетъ всѣмъ  
преподобнымъ его.

Евангеліе отъ Іоанна, зачало 36.

**Причастенъ:** Въ память вѣчную:



## МОЛИТВА

ко Святителю Христову  
Иннокентію.

**С**ВЯТЧЕ БОЖІЙ, Пастырю доб-  
рый, дѣлателью вѣрный винограда  
Христова, Святителю отче ИННО-  
КЕНТИЕ, призри на градъ сей и  
на люди сія! Моли Христа Бога,  
да сохранитъ паству твою отъ  
волковъ губящихъ ю: да низпо-  
слетъ Духа своего Святаго, во  
еже умудрити насъ, ходити предъ  
нимъ во всякомъ благочестіи и  
чистотѣ во вся дни живота нашего:  
да славословяще имя его всесвя-  
тое во дни и въ нощи, сподобимся  
быти наслѣдницы и жизни вѣчныя,  
и прославимъ Отца и Сына и Свя-  
таго Духа, нынѣ и приепо, и во  
вѣки вѣковъ.



500

СКИ  
Би  
Отдѣлен  
№



2006259643